


西寧縣志



西寧縣志序

志以記地古而有之西寧何獨闕然僉曰前此衛也而非邑西東兩城城置一弁壤地訖數十里庠序不立拾芥者寄籍別衛境內名勝絕少騷人詞伯未嘗至止官斯土者詰爾戎兵峙爾芻茭旁午而不暇及此也雖然春秋魯志也一時所載齊楚晉衛下逮邾莒郟防絀大必書凡有專司之地者即有各子之

西寧縣志

序

一

民城郭廬舍廟社稷壇土風物產罔有不具豈其陟山必太華之高乎豈其濟川必黃河之大且深乎四郊之中一卉水之細一蟲鳥之微皆可以貢包匭而名方物何莫非其可志者而况涿鹿之野黃帝祖征恒山之域禹跡所淹去此皆不百里洪州順聖輿圖水經記載鑿鑿又烏容關畧而無聞也哉改設郡縣以來既歷一紀邑有令令有倅矣鄉有校

校有博士博士有弟子矣兩衛各隸一版烟  
火萬家耕鑿絃誦雞犬四達倉庾所貯十萬  
有奇無事則謹儲備師行則供軍旅桑乾之  
水東為蘆溝襟

**皇都**而入東海地之所產為藤為芭視西河鴈門  
為尤美豈猶是晉唐以來山後淪胥草昧未  
啟之時乎芬自承乏茲土每於公暇登山吊  
古遺跡無存中心銜之居無何會公金先生

西寧縣志

序

二

千里郵書諄諄以志乘為闕典予未有報也  
乙酉同鄉林子大林由燕邸存子相對久之  
屬以脫稿大林欣然握槩旁搜博採每成一  
帙相與參互攷訂其中每多闕疑罔所徵據  
亦惟是草創以待後之賢者耳至於山之蒿  
硤歲一收而不足水之徼湍民病涉而莫措  
歲歉民貧流亡難集以暨故老之好善而築  
旄閨闈之守貞而完節者周諮延訪每懷靡

及四境之內一有不知守土者之責未遑也  
然而前賢往事宏篇大策掛一而漏萬則文  
獻之不足非余罪也後有左太冲張茂先其  
人者踵而增之斯邑之幸也予其有厚望也  
夫

康熙四十六年歲在丁亥嘉平月朔五日楚  
郢何芬撰於公署之得樹軒

凡例

一西寧舊無志乘文獻不足搜羅往籍僅存  
十一掛漏必多聊為草創以俟後有作者  
云爾

一邑志例如國史義重編年今紀年從舊日  
月闕疑惟象緯災祥記月記日戒謹天變  
不厭其詳

一學校賦役祠祭諸條斷自

西寧縣志

凡例

一

國朝選舉秩官起自有明前此無徵不信非敢  
廳為詳畧也

一西寧改縣未久名官鄉賢寥寥數人本傳  
尚俟搜羅以備徵考

一邊邑僻處前代人物湮沒無傳間有嘉言  
懿行聊為節取善善欲長亦猶五代之一  
行傳云爾

一西寧隸宣府相距二百里密邇長城昔為

重鎮今當中外一統宴然無警然而制治未亂保邦未危有文事者不忘武備因志武畧

一志有藝文遠溯史傳近逮時髦所以存風雅表人才備采擇也西寧前此式馬控惚典籍無遺改衛為縣時月未幾間有鐫石授簡者錄之於志以彰右文之化云

一邑志瑣屑必書非猶國史提綱撮要筆則

西寧縣志

凡例

二

筆削則削也記其纖細不嫌龐雜

一紀地紀物紀天時紀人事非為具文所以示勸懲也間有別加論斷發明意義所以彰善癉惡有微權焉非贅也

西寧改設以來新聞蠶叢旁採博摭斷碣殘碑文如石鼓無從摩抄其有存者鄙俚荒唐難以收羅余承乏以來即欲勉為登凡無那簿書鞅掌日無暇晷偶從篝燈寓

目倉皇成帙尚希博物君子增輯訂正是  
幸

西寧縣志

凡例

三

西寧縣志目錄

首卷

繪圖

第一卷

建革

象緯

災祥

第二卷

山川

城堡

疆域

形勢

坊字

西寧縣志

目錄

一

第三卷

武畧

賦役

風土

第四卷

祠祀

學校

選舉

第五卷

秩官

附名宦

第六卷

人物

附貞節  
儒  
幻

流寓

第七卷

藝文記  
辯傳  
疏文  
墓表

第八卷

藝文詩




浩州古名郡屹然拱京  
 截諸山直南北桑乾經  
 其西昔為芻牧地良馬  
 秋風嘶迄今禮讓興此

西寧縣志

卷之首


繪圖

二





城郭周數里版築逾百  
 年居民盈萬戶雞犬聲  
 相連勤劬務生業游手  
 良云鮮習似尚樸訥禮




義共周旋雖與閩南殊  
 編仍得自便為藉母事  
 華繪圖永流傳


德卷題

西寧縣志

卷之首 繪圖

五







順聖昔為川東西雙雄  
 堞西屬縣治城東與堡  
 還區碩茲東城巾民貧  
 地復瘠終歲苦力作倉

箱未云實朔風十月寒  
 婦子歎於室前我司牧  
 人敢弗加閱恒

儉卷題





宮墻巍敷似萬古奎師  
 儒敷教敷仁讓明倫協  
 軌模廟量遺像在車服  
 儼廊廡萃落香堪摘淨